

# DECLARA- TION DV ROY. <sup>no. 4</sup>

Par laquelle il veut que les maisons  
des Catholiques qui assistent le  
Roy de Nauarre, esquelles il ne  
se commet aucun acte d'ho-  
stilité soient conseruees.



A PARIS,

Chez Nicolas NIVELLE, ruë S. Iaques,  
aux deux Colonnes.

Et Rolin THIERRY, ruë des Anglois,  
pres la place Maubert.


Libraire & Imprimeur de la sainte Vnion.

M. D. LXXXIX.

AVEC PRIVILEGE.

DECLARATION

That the undersigned  
do hereby certify that  
the within and foregoing  
is a true and correct  
copy of the original  
as the same appears  
by the records of the  
Court.



Attest my hand and seal  
this 1st day of June 1861  
at the City of New York  
in the County of New York  
John J. [Name illegible]  
Clerk of the Court

JOHN J. [Name illegible]  
Clerk of the Court



# Declaration du Roy

*par laquelle il veult que les maisons des Catholiques qui assistent le Roy de Navarre, esquelles il ne se commet aucun acte d'hostilité soient conseruees.*



**C**HARLES par la grace de Dieu Roy de France, à tous ceux qui ces presentes lettres verront, Salut : Chacun sçait que l'occupatiō des Chasteaux, maisons, & places fortes de ce Royaume, qui seruent de retraicte

aux gens de guerre, & tiennent en continuelle subiection le plat pays, ouurent le chemin à tant d'exactions, pilleries, volleries & rançonnemens qui se commettent iournellement sur les pauvres subiects, que de là vient & deriue vne partie des maux & desordres que la guerre ciuile apporte avec soy : de maniere qu'il n'y a presque endroiect en ce Royaume, où les marques de ceste calamité publique ne paroissent, & le malheur de ladite guerre ne soit respandu. Et comme ainsi soit, qu'il y ait deux especes de places, & maisons fortes appartenans à noz ennemis, aucunes desquelles leur seruent de retraicte, pour entreprendre & fai-



re la guerre au plat pays : & les autres se comportent doucemēt sans faire aucun acte d'hostilité. Desirant à ceste occasion pouruoir à la eonseruation des vns, & au chastiment & correction des autres : à fin de tenir noz subiets, & le plat pays en plus grande seurété que faire se pourra, & faire cesser telles violences, pilleries & rançonnemens : S Ç A V O I R faisons, que nous desirans apporter les remedes, que nous pensons y estre necessaires & cōuenables pour faire regner la iustice autant que la qualité du temps, & la licēce desdites guerres ciuiles le pourra permettre : A V O N S dict, declare, voulu, & ordonné, disons, declarons, vou-

lons & ordonnons par ces presentes, Que les Chasteaux & maisons, tant fortes que foibles appartenans aux Catholiques qui assistent le Roy de Nauarre, esquelles toutesfois il ne se commet aucun acte d'hostilité, seront maintenues, gardees & cōseruees sans qu'il soit permis n'y loisible à aucun de quelque qualité & condition qu'il soit d'y attenter sur peine de la vie: Les ayāt prises, & mises à ceste fin, prenōs & mettons par cesdictes presentes en nostre protection, & sauuegarde speciale, deffendās très-expressement à toutes personnes de quelque estat, qualité & condition qu'ils soient: & mesmes aux gens de guerre tant de che-

ual, que de pied, aussi de quelque nation qu'ils soient, qui sont ou pourront estre à nostre solde & seruice, qu'ils ne soient si osez & hardis d'y attenter ou entreprendre aucune chose directement ou indirectement en quelque façon & maniere que ce soit sur peine de la vie. Et pour le regard des Chasteaux & maisons fortes, lesquelles ont faict, & font la guerre, & seruent de retraicte à nosdicts ennemis. Nous les admonnestons par ces presentes de faire cesser incontinent lesdictes actes d'hostilité, & où elles y continueroient, Nous entendõs qu'elles soient reprinses par la voye de la force. Permettons à toutes personnes de ce fai-



re , ausquels donnerons main-  
forte & assistance sil en est be-  
soing , Les declarant dès à pre-  
sent , comme dès lors , & dès lors  
comme maintenant de bonne  
prise , sans que les propriétaires  
d'icelles y puissent à l'aduenir  
pretendre aucune chose , ny auoir  
esperance d'y rentrer. Ausquel-  
les maisons apres la reprinsé d'i-  
celles , & à fin qu'il n'en soit plus  
abusé : Nous entendons y faire  
mettre & establir telles garnisons  
qu'il sera aduisé pour la conser-  
uation d'icelles en nostre obeis-  
sance , lesquelles nous ferons  
payer , & entretenir aux despens  
du reuenu des terres dependan-  
tes desdictes maisons & places  
fortes , ou bien les faire razer &  
desmolir



desmolir selon l'importance d'icelles, & selon que les Gouverneurs & Lieutenans generaux des provinces iugeront estre plus vtile pour tenir les pais où elles sont assises en seureté:

MANDONS à ceste fin aux gens tenans noz Cours de Parlement, Baillifs, Seneschaux, Preuosts, Iuges, ou leurs Lieutenans, & à chacun d'eux endroict soy, si comme à luy appartiendra, que ces presentes ils facent enregistrer, lire, & publier à son de trompe & cry public par tous les lieux & endroicts de leurs ressorts & Iurisdicions accoustumees à ce faire, à ce qu'aucun n'en pretende cause d'ignorance. Car tel est nostre plaisir.

Et pour ce que de ces presentes  
l'on pourra auoir affaire en plu-  
sieurs & diuers lieux: Nous vou-  
lons qu'au vidimus d'icelles,  
deuëment collationné par l'un  
de noz amez & feaux Notai-  
res & Secretaires, foy soit ad-  
ioustee comme à ce present ori-  
ginal. Donné à Paris le qua-  
torziesme iour de Decembre l'an  
de grace mil cinq cens quatre  
vingts & neuf. Et de nostre re-  
gne le premier.

*Signé, sur le reply.*

Par le Roy Monseigneur le  
Duc de Mayenne estant Lieute-  
nant general de l'Estat & Courō-  
ne de France.

PERICARD.

Et seellé du grand sceau de cire  
jaune sur double quenë.

*Extrait du privilege.*



AR privilege donné & octroyé, par  
Messieurs du Conseil general de la  
saincte Vnion des Catholiques: A  
Nicolas Niuelle, & Rolin Thierry,  
Libraire & Imprimeur: Il leur est permis d'im-  
primer tout ce qui peut cōcerner l'Estat public  
& affaires de la France, & ce qui sera ordonné &  
procèdera d'iceluy Conseil. Et sont faictes des-  
fences à tous autres Libraires & Imprimeurs,  
de les imprimer ou faire imprimer, ny exposer  
en vente, sur peine de confiscatiō des exemplai-  
res, & d'amende extraordinaire, ainsi que plus  
à plein est contenu par ledict Priuilege. Donné  
à Paris le 18. Aupil, 1589.

Signé,

SENAVLT.



